

葡萄酒大師出新書

有研究葡萄酒嘅朋友，相信一定認識「李志延」這個名字。佢係首位成功通過葡萄酒大師考核嘅亞洲人，於酒界舉足輕重，被尊崇為獨具灼見嘅葡萄酒大師。最近，佢喺新開無耐嘅澳門銀河酒店發布佢嘅全新著作《Mastering Wine for the Asian Palate》，李志延簡介新書及亞洲美酒後，緊接嘅一小時就係讀者期待已久嘅新書簽名時間，排隊粉絲於購物大道東銀河精品店簽名會上，同時免費品嚐勃根弟葡萄酒。

新書以全新角度探討葡萄美酒與亞洲各式佳餚相互配合下，所帶來非一般享受，簡單嚟講就係Wine-Pairing，佢眼光十分專業，首本著作《Asian Palate》亦獲獎無數，賣個滿堂紅。所以話，無論大家係新手上陣或已經係葡萄酒專家，都不妨買本大師作品參考一下，話唔定隨時錢落你袋。



■葡萄酒大師李志延（中）舉行新書全球首次發布會。